

大學衍義

四

共十

RARE
BOOK

Cha

1.21

V.4

真西山讀書記乙集上大學衍義卷第十六

格物致知之要二

辨人材

漢高帝疾甚呂后問曰陛下百歲後蕭相國既死誰令代之上曰曹參可問其次曰王陵可然少戇

少者多少之少戇謂愚而直也言陵之為人稍愚直也

陳平可以助之陳平

知有餘然難獨任周勃重厚少文然安劉氏者必勃也可令為太尉呂后復問其次上曰此後亦非乃所知也

惠帝二年蕭何薨曹參代何為相國舉事無所變更一遵何之約束為相三年百姓歌之曰蕭何為法校若畫一曹參代之守而勿失載其清淨民以寧壹

臣按此以參代何之驗

五年曹參薨明年以王陵為右丞相陳平為左丞

相周勃為太尉

此盡用高帝垂沒之言也

七年惠帝崩太后臨

朝稱制高后元年議立諸呂為王問右丞相陵

曰高帝刑白馬盟曰非劉氏而王天下共擊之今

王呂氏非約也太后不說問平勃平勃對曰可太

后喜罷朝陵讓平勃曰始與高帝建血盟諸君不

在邪今王呂氏何面目見高帝於地下乎平勃曰

面折廷爭臣不如君全社稷安劉氏君亦不如臣

漢初承戰國餘習臣下相謂亦曰君臣陵無以應之太后以陵為太

傅實奪之相權陵遂病免歸

臣按陵之爭王諸呂戇也平不爭而許之智也

帝王知人

平勃相結

平勃誅呂
立文帝

七年諸呂擅權用事陳平患諸呂力不能制嘗燕居深念陸賈見平曰天下安注意相天下危注意將將相和調則士豫附士豫附則天下雖有變權不分君何不交驩太尉平用其計兩人深相結呂氏謀益衰

臣按平非勃不能獨齊大事此難獨任也

八年太后崩諸呂欲為亂當是時趙王呂祿梁王呂產將兵居南北軍太尉勃不得入軍中主兵酈商子寄與呂祿善絳侯乃與丞相平謀使人劫酈商令其子寄紹說呂祿歸將印以兵屬太尉太尉遂將北軍然尚有南軍丞相平乃召朱虛侯章佐太尉遂誅諸呂立文帝

高帝知人
善任

宣帝知
人

不能知任

臣按此安劉必勃之驗也高帝論蕭曹平勃諸人考其始終無一或差者蓋帝之性既明達而又更事履變之久其於羣臣之才行皆嘗斟酌而劑量之故所以為後人計者幾無遺策後之論者以知人善任使稱之信矣若繼世之君不若帝之明達又不若帝更嘗之多苟能躬覽萬機以究事情之利害日接羣臣以察人材之長短若漢宣帝聽政之日令丞相以下各奉職而進明陳其職以考功能是亦知人之方也若夫深居高拱於事未嘗有裁決之勤淵嘿寡言於人未嘗有叩擊之素舍功能之實信毀譽之偏而欲用舍之間各當其任難矣故人主上必如

知人

文帝勞
軍細柳

堯次必知高帝又其次必如孝宣庶幾可語知
人之事不然非所聞也

孝文帝後元六年匈奴入上郡雲中所殺略甚衆
以周亞夫為將軍次細柳劉禮為將軍次霸上徐
厲為將軍次棘門以備胡上自勞軍至霸上及棘
門軍直馳入將以下騎送迎已而之細柳軍軍士
吏被甲銳兵刃彗弓弩持滿也張先驅至不得入
曰天子且至軍門都尉曰軍中聞將軍令不聞天
子之詔居無何上至又不得入上乃使持節詔將
軍吾欲入營勞軍亞夫乃傳言開壁門天子按轡
徐行至營亞夫持兵揖曰介冑之士不拜請以軍
禮見天子為動改容式車使人稱謝皇帝敬勞將

景帝亞
夫為太
尉擊七國

疎亞夫

皇后兄欲封
亞夫爭之

軍成禮而去上曰嗟乎此真將軍矣曩者霸上棘
門若兒戲耳其將固可襲而虜也至於亞夫可得
而犯邪稱善者久之月餘匈奴遠塞漢兵罷乃拜
亞夫為中尉

孝景帝二年吳楚等七國皆反初文帝戒太子曰
即有緩急周亞夫真可任將兵及七國反上乃拜
亞夫為太尉將三十六將軍徃擊吳楚凡三月皆

破滅

三年以亞夫為丞相其後上廢栗太子亞夫爭之
不能得上由此疏之

竇太后言皇后兄信可侯上與丞相議亞夫曰高皇
帝約非列侯不王非有功不侯今信雖皇后兄

匈奴徐盧降
封侯要事
之病免

帝王知人

亞夫死

無功侯之非約也帝默然止其後匈奴王徐盧等
六人降帝欲侯之以勸後亞夫曰彼背其主降陛
下陛下侯之何以責人臣不能盡忠守節者乎帝
曰丞相議不可用乃悉封徐盧等為列侯亞夫因
謝病免

後元年帝居禁中召亞夫賜食獨置大胾無切肉
又不置箸亞夫心不平顧謂尚食取箸上視而笑
曰此非不足君所乎亞夫免冠謝因趨出上目送
之曰此鞅鞅非少主臣俄以事下吏獄吏以反誅
之亞夫不食死

臣按人之度量相去豈不遠哉方亞夫之軍細
柳也持軍之嚴雖人主無所屈文帝乃以是知

垂夫之志

文帝將之

景帝忤之

霍光亦受顧
命於武帝

之曰緩急真可將也其後作相因事數諫積忤
上心景帝以是疑之曰鞅鞅非少主臣也細柳
之事儻在孝景時則亞夫必以傲上誅尚何兵
之可將使其得相文帝盡忠論諫則必以社稷
臣目之二帝之度量相去不同如此其所以然
者文帝不以拂己為忤景帝專以適己為悅故
也故人君欲真知臣下之賢否其必自去私意
始

漢武帝末以霍光為大司馬大將軍金日磾為車
騎將軍上官桀為左將軍受遺詔輔少主是為昭
帝又以桑弘羊為御史大夫其後桀父子與光爭
權燕王旦自以帝兄不得立常懷怨望及弘羊建

昭帝時

上官桀陷

霍光

知人

詳霍光之

詐

造酒榷鹽鐵為國興利伐其功欲為子弟得官亦

怨恨光於是桀等皆與旦通謀且詐令人為燕王

上書言光出都肄郎羽林肄試也郎羽林者宿衛之士都肄猶言大閱也

道上稱蹕道路也天子出稱蹕此言光偕又擅調益幕府校

尉尉調益謂增置也校尉幕府之屬也光專權自恣疑有非常臣旦

願入宿衛察姦變候司光出沐日奏之司與伺通用出沐謂

休沐也桀欲從中下其事弘羊當與諸大臣共執退

光書奏帝不肯下明旦光聞之不入上問大將軍

安在桀對曰以燕王告其罪故不敢入有詔召大

將軍光入免冠頓首謝上曰將軍冠朕知是書詐

也將軍無罪光曰陛下何以知之上曰將軍之廣

明都郎近耳明地名都郎即前都試郎羽林也調校尉以來未能

十日燕王何以得知

言燕王京師遠十日

燕王何以由便知

且將軍

且將軍

為非不須校尉

言將軍大權在手若欲為非時

帝

年十四尚書左右皆驚而上書者果亡

亡謂逃

捕

之甚急桀等懼白上小事不足遂

謂不須窮竟也

上不聽

後桀黨有譖光者上輒怒曰大將軍忠臣先帝所

屬以輔朕身敢有毀者坐之自是桀等不敢復言

唐李德裕論曰人君之德莫大於至明至明以

照姦則百邪不能蔽矣漢昭帝是也周成王有

慙德矣成王聞管蔡流言使周公狼跋而東所

謂執狐疑之心來讒賊之口使昭帝得伊呂之

佐則成康不足侔矣

臣按武帝託孤於霍光善矣而又參之以上

武帝執有
媚高帝

昭帝知反
過孝武

帝王知人

人君正心
邪正

官桀桑弘羊是知人之明有魏於高帝也桀

等皆姦邪嗜利之徒外交藩王而內結貴主

非昭帝天性夙成能知光為忠臣而保持之

使桀等得志其禍可勝言哉是昭帝知人之

明反過於孝武也然孝武不立燕廣陵旦燕王廣

晉陵王而立昭帝是明於知子不屬田千秋輩

而屬霍光是明於知臣而乃失之桀等者桀

以諂進弘羊以利合故也傳曰播糠眯目天

地為之易位故人君必先正其心不為諂惑

不為利動然後可以辨羣臣之邪正矣

唐明皇之在蜀也天寶十四載安祿山反明皇幸蜀給事中裴士

淹以辯學得幸時肅宗在鳳翔每命宰相輒啓聞

唐明皇知
姦不枉

璟之忠

乃賣直

林甫妬賢
用之苟合

及房琯為將帝曰非破賊才也若姚崇在賊不足
滅至宋璟曰彼賣直以取名爾因歷評十餘人皆
當至李林甫曰是子妬賢疾能無與比者士淹曰
陛下誠知之何任之久帝默不應

臣按明皇之為人也異哉以為闇邪則其評房
琯評姚崇評李林甫何其言之當也以為明邪
則其評宋璟抑何言之戾也璟之忠誠端亮為
開元輔相第一帝乃以賣直取名目之蓋璟以
一直道事君屢拂上意故一斥不復用至是猶有
餘怒焉若林甫之妬賢疾能帝非不知者而乃
用之終其身由璟不苟合林甫苟合故也然則
人主一有好同惡異之心則私意行而賢否亂

知人

德宗不信

杜兼之誣用

李藩

德宗不能

知人

雖有英明之資卒蹈闇繆之失如明皇者豈可不戒也哉

唐德宗時濠泗觀察使杜兼惡幕僚李藩誣奏藩

搖動軍情上大怒召詣長安望見藩儀度安雅乃

曰此豈為惡者耶擢秘書郎

藩後事憲宗為元和賢相

臣按德宗知人之明最其所短故於盧杞則不

覺其姦邪於姜公輔則疑其賣直李晟之勲陸

贄之忠則踈斥之擯廢之裴延齡之欺罔韋渠

牟之躁劣則親信之寄任之以佞為忠以直為

枉未有甚焉者也顧能於舉目之頃而識李藩

蓋當是時未有私見之汨故也若盧杞姜公輔

諸人則有愛惡之私焉故識鑒之昏明若是其

唐憲宗時
裴度論
君子之辨

異也傳曰公生明偏生闇使德宗持心之平無
所適莫常如見李藩之時則於諸臣之邪正必
不至易位矣後之人主可不戒諸

唐憲宗元和中裴度平蔡還知政事程昇皇甫鎛
以言財利幸俄得宰相度三上書極論不可帝不
納纖人始得乘罅帝嘗論臣事君當勵善底公朕
惡夫植黨者度曰君子小人以類而聚未有無徒
者君子之徒同德小人之徒同惡外甚類中實遠
在陛下觀所行則辨帝曰言者大抵若是朕豈易
辨之度退喜曰上以為難辨則易上以為易辨則
難君子小人行判矣已而卒為昇鎛所構出為河
中節度使

帝王知人

武宗時序
德裕諍邪
正人辯

臣按憲宗剛明果斷能用忠謀不惑羣議以建
中興之烈是豈不知人者蔡功既成侈心遂熾
於是正邪始易位矣由異鍾輩善於治財有以
供其侈用故也傳曰利令智昏信哉不然則以
裴度之堂堂忠節視異鍾輩之瑣瑣姦諛雖不
辨白黑者亦能知其為正邪之分也天資如憲
宗猶以利欲掩其明是故人君不可無正心之
學

唐武宗即位以李德裕為門下侍郎平章事德裕
入謝言於上曰致理之要在於辨羣臣邪正二者
勢不相容正人指邪人為邪邪人亦指正人為邪
人主辨之甚難臣以為正人如松柏特立不倚邪

人如藤蘿非附它物不能自起故正人一心事君而邪人競為朋黨先帝深知朋黨之患而所用皆朋黨之人良由執心不定故姦邪得乘間而入也

臣按德裕在文宗朝與李宗閔迭為宰相而德

裕卒為宗閔所傾以文宗不能辨其邪正也及相武宗深陳二者之辨而武宗能聽之故德裕得效其忠謀會昌之功幾於元和由武宗能辨其邪正故也德裕松栢藤蘿之辨此善喻也蓋正人以直道自將雖於人主猶無所容悅況肯它有依憑以進乎邪人以枉道求合故權臣用事則附權臣近習得志則附近習妃嬪有寵則附妃嬪卑鄙猥賤無所不至德裕此言足以判

帝王知人

治人子小人
之行

正邪之情狀矣近世名臣張浚又推而廣之以
為不私其身慨然以天下百姓為心此君子也
謀身之計甚密而天下百姓之利害我不顧焉
此小人也志在於為道不求名而名自歸之此
君子也志在於為利掠虛美邀浮譽此小人也
其言之剛正不撓無所阿徇此君子也辭氣柔
佞切切然伺候人主之意於眉目顏色之間此
小人也樂道人之善惡稱人之惡此君子也人
之有善必攻其所未至而掩之人之有過則欣
喜自得如獲至寶旁引曲借必欲開陳於人主
之前此小人也難進易退此君子也叨冒爵祿
蔑無廉恥此小人也臣嘗以此而求之君子小

帝王
知人

人之分庶幾其可以槩見矣臣謂人主欲知羣
臣之邪正惟以德裕浚之言參而考之則亦何
難辨之有然德裕所謂邪人競為朋黨獨不思
君子其無同類矣乎我以朋黨議小人則小人
亦將以朋議黨我矣必如裴度曰君子之徒同
德小人之徒同惡則為得之此德裕之所以不
及度也

以上論帝王知人之事

姦雄 窃国

羿為寒 浞所殺

真西山讀書記乙集上大學衍義卷第十七

格物致知之要二 辨人

春秋傳晉魏絳曰 絳晉國名魏絳晉大夫 昔有夏之方衰也后

羿自鉏遷于窮石 后羿夏諸侯鉏及窮石皆地名 因夏民以代夏

政 禹孫太康淫放失國夏人立其弟仲康仲康亦微弱仲康卒子相立羿遂代相號曰有窮恃

其射也 羿善射 不脩民事而淫于原獸 原野 桑武羅

伯因熊髡危圉 四子皆羿之賢臣 而用寒浞寒浞伯明氏

之讒子弟也伯明后寒棄之夷羿收之 夷氏 信而使

之以為己相浞行媚于內 內宮 而施賂于外愚弄

其民而虞羿于田 樂之以遊田 樹之詐慝以取其國家

外內咸服 詐浞 羿猶不悛 悛改 將歸自田家衆殺

而烹之 家衆寒浞之私黨也烹 浞因羿室 就其妃妾

羿遊畎
逞竊國

奸雄 竊國

臣按自古姦臣欲盜其君之國非挾宮闈之助
合左右之交則不能獨為故寒浞之相羿也行
媚於內而施賂於外內外盤結無一發其姦者
然後得以愚弄上下而恣其所欲為使羿無從
一禽之荒則茲心未昏猶有時而覺也故又娛羿
于田使之馳騁弋獵以汨亂其精神顛倒其志
慮於是詐隱之謀得立而取羿之國戕羿之身
若反手然當有夏之時風俗淳質已有巧於簒
盜如寒浞者況後世哉是以虞周君臣更相勅
戒曰無游逸無耽樂以此為坊後世猶有湛
于酒色而舉國授人如漢成帝者

史記

漢司馬遷所作

齊世家

齊世家紀齊國之事也

田乞事齊景公

為大夫其收賦稅於民以小斗受之其粟予民以
大斗行陰德於民而景公弗禁由此田氏得齊衆
心宗族益強晏子數諫公弗聽景公有寵姬生子
荼景公病命其相國惠子高昭子立荼為太子景
公卒兩相立荼是為晏孺子田乞不說遂立景公
佗子陽生而殺晏孺子專齊政乞卒謚釐子恒立
復修釐子之政以大斗出貸以小斗收執其君簡
公而弑之立簡公弟是為平公田恒言於平公曰
德施人之所欲君其行之刑罰人之所惡臣請行
之行之五年齊國之政皆歸田恒恒於是盡誅鮑
晏監鮑晏監三氏皆齊大家上及公族之強者而割齊自安
平以東至琅邪安平琅邪皆邑名自為封邑封邑大於平

公之所食恒卒

子謚成

子盤立使其兄弟宗人盡為

齊都邑大夫盤之孫田和乃遷其君康公於海上

食一城以奉其先祀和立為齊侯

臣

按左氏傳載晏子對景公略曰陳氏雖無大

德而有施於民

田氏本出於陳故又曰陳氏

豆區釜鍾之數

其取之公也薄其施之民也厚公厚歛焉陳氏

厚施焉民歸之矣後世若少惰陳氏而不亡則

國其國也公曰善哉是可若何對曰唯禮可以

已之在禮家施不及國大夫不收公利公曰善

哉我不能矣史記所謂晏子諫而公不聽者此

也方田氏之初不過以小惠施於國人而已使

景公用晏子之言修明君臣上下之禮使惠施

奸雄竊國

田恒弑君

出於上而下不得私利權歸於上而下不得擅則大分明而人心一雖百田氏其能竊國乎景公乃善之而不能用在公則厚歛焉田氏則厚施焉是驅其人而歸之也景公既沒於是田乞因主少國疑之際得以擅廢立之權而國之大柄在其掌握矣及田乞死而恒代立既專惠施以作福又專刑罰以作威於是弑君而人莫敢討世臣公族以次揃滅而人莫敢問越再世卒有齊國亦云晚矣易曰臣弑其君子弑其父非一朝一夕之故其所由来者漸矣由辨之不早辨也田氏之禍在景公世猶可為也及其既久則不可為矣蓋其漸之不圖而早之不辨至於

古之竊國者
皆有其漸

奸雄竊國

篡勢之已成熟得而過之哉漢人有言權臣易
世則危蓋言顓國之久則其權不可收其勢不
可制必至於危也故田乞之後有田恒遂以代
齊季宿之後有意如亦以擅魯季武子名宿其子季平子名意
昭公遂至於鳳莽操丕之於漢王鳳專政歷五侯至從子莽篡位
操專政至子丕篡懿師昭炎之於魏司馬懿始位是為魏文帝
師繼之師弟昭遂封晉王皆以其漸取之推原
本末由其不早辨故爾然則人主其可一日失
其操柄也哉

秦昭王子安國君為太子安國君有子二十餘人
其愛姬華陽夫人無子夏姬之子子楚為秦質子
於趙趙不甚禮子楚子楚居處困不得志陽翟大

呂不韋以
子楚之謀立
太子

娘

賈呂不韋賈邯鄲見之曰此奇貨可居乃往見請
以千金西游事安國君及華陽夫人立子為適嗣
子楚曰必如君策請得分秦國與君共之不韋乃
以五百金與子楚為進用結賓客復以五百金買
奇物玩好自奉而西游秦求見華陽夫人姊而以
其物獻華陽夫人因言子楚賢智結賓客徧天下
常曰楚也以夫人為天日夜泣思太子及夫人夫
人大喜不韋因使其姊說夫人請立子楚以為嗣
安國君許之乃與夫人刻玉符約以為適嗣而請
呂不韋傳之不韋取邯鄲諸姬絕好善舞者與居
知有身子楚從不韋飲見而說之因起為壽請之
不韋怒念已破家為子楚乃遂獻其姬姬自匿有

身至大期時生子政子楚遂立姬為夫人昭王薨
安國君立為王華陽夫人為王后子楚為太子秦
王立三日薨謚孝文王子楚立是為莊襄王以不
韋為丞相封文信侯莊襄王立三年薨太子政為
王尊不韋為相國稱仲父秦王年少太后時時私
竊通不韋後始皇帝壯不韋事發誅

臣按呂不韋非直大賈蓋大盜也方其見子楚
曰奇貨可居固料已之能使子楚得國又能移
子楚之國為己之國矣其捐千金也非輕利也
謂其利有佰乎此也其獻姬也非能割己之欲
也謂其所欲有萬乎此也史稱子楚之請姬也
不韋怒既不獲已與之夫不韋不出它姬以飲

奸雄竊國

以羸代呂

子楚而以娠者飲子楚固知其見而悅悅而請請而與之則異時得國者吾之子也其獻也所欲而非強也其怒也偽而非情也包藏深而布置遠非獨子楚不能察雖後之作史者猶莫之察也且孝文之立三日而薨莊襄之立三年而薨豈其偶然邪抑必有其故矣夫以不韋之智巧能使子楚外入超在內二十餘公子而得國安知其不能速二君之死而趣立其子乎子政立則羸氏之國轉而呂氏有矣蓋自子楚之嗣至此不二十年而呂氏得國故先儒以謂始皇既立伯翳之祀已絕史氏紀錄宜曰後秦可也秦自孝公以至昭王國勢日益雄張嘗合五國

以黃代芊

王莽遷
情永名

之師百萬之衆攻之而不能克而不韋以一女
子從容談笑奪其國於衽席間故曰不韋非獨
大賈蓋大盜也其後楚相黃歇亦先納李園之
妹娘而獻之君生子為太子遂以黃代芊其竊
國之術與不韋同然二人卒以是自族果何益
哉臣今列此於篡臣之篇者欲人君知姦臣用
智之可畏謹毋以色而傾其國也噫

漢王莽孝元皇后之弟子也莽羣兄弟皆乘時侈
靡以興馬聲色佚游相高莽獨折節為恭儉成帝
封莽為新都侯遷騎都尉光祿大夫侍中宿衛謹
敕爵位益尊節操益謙散輿馬衣裘振施賓客收
贍名士交結將相卿大夫甚衆故在位更推薦之

秉政

奸雄

竊國

太后委政
王莽

游者為之談說虛譽隆洽傾其諸父矣敢為激發

之行處之不慙慙

也慙愧

後大司馬曲陽侯根薦莽

自代上遂擢為大司馬莽既拔出同列繼四父而

輔政

鳳商音根四人皆為大司馬而莽之諸父也

欲令名譽過前人遂

聘諸賢良以為掾史賞賜邑錢盡以享士哀帝即

位以爭傳太后稱尊號事還就國

臣按此莽飾偽釣名之始也然當是時豈必遽

有篡志哉履霜之不戒則其漸必至於堅冰是

以聖人畏諸

哀帝崩無子太皇太后召莽拜為大司馬迎中山

王為後是為平帝時年九歲太后臨朝稱制委政

於莽莽以大司徒孔光名儒相三主太后所敬於

是盛尊事光引光女壻甄邯為侍中諸哀帝外戚

及大臣居位素所不說者莽皆傳致其罪

傳讀曰益

而引致之令入於罪

為請奏令邯持與光光素畏謹不敢不

上之莽白太后輒可其奏於是附順者拔擢忤恨

者誅滅王舜王邑為腹心甄豐甄邯主擊斷平晏

領機事劉歆典文章孫建為爪牙莽色厲而言方

外示勁厲之色而假為方直之言

欲有所為微見風采黨與承其

指意而顯奏之莽稽首涕泣固推讓焉上以惑太

后下用示衆庶

臣按此莽得權用事之始也故其情狀浸與昔

異其推尊孔光以其有重名而易制也名重則

可以欺天下易制則不妨已之權而可以行已

奸雄竊國

莽猷白雉
賜號安漢
公

之志前則霍光之於蔡義後則伍文之於杜佑
其術略同自色厲言方以下史氏所以狀莽之
情態也孔子以色厲內荏為穿窬之盜蓋外為
剛勁之色而中實陰柔所以欺世盜名也莽之
竊國盖用此術欲有所為微示風指及其得請
則涕泣固辭茲偽至此雖明君未能遽察況易
欺之母后與易惑之衆庶乎其潛移漢鼎宜矣
始風益州令塞外蠻夷獻白雉莽白太后以白雉
薦宗廟羣臣因奏莽功德致周成白雉之瑞宜賜
號安漢公莽上書讓不聽又固辭羣臣復上言宜
以時加賞太后下詔益封莽二萬八千戶為太傅
賜號安漢公於是莽為惶恐不得已而起受策又

讓還益封爵邑

臣按此莽居攝之漸也安漢之稱用周公故事也既如周公之稱公亦可如周公之居攝矣莽欲專斷知太后厭政乃風公卿奏言太后不宜親省小事令太后下詔自今封爵乃以聞它事安漢公四輔平決權與人主侔矣

臣按此莽奪國之漸也凡姦臣之欲奪國必先顓國顓則唯吾之所欲爲雖奪人之國莫與爭者矣

莽念中國已平唯四夷未有異乃遣使者齎金幣重賂匈奴單于使上書聞中國譏二名故名囊知牙斯今更名知慕從聖制所以誑耀媚事太后下

莽專政

單于上書
漢二名

奸雄竊國

莽女為皇后

至旁側長御方故萬端

旁側長御謂太后宮中諸妾御也

臣按莽於元后為近親自是以得其意矣而猶必事旁側長御者此寒浞行媚于內之故智也

莽既尊重欲以女配帝為皇后以固其權奏言長

秋宮未建請考論五經定娶禮正十二女之義以

廣繼嗣博采二王後及周公孔子世列侯在長安

者適子女適讀曰嫡謂妻所生也事下有司上眾女名王氏

女多在選中者莽恐其與己女爭即上言身無德

子材下不宜與眾女並采太后以為至誠乃下詔

王氏女朕之外家其勿采庶民諸生郎吏以上守

闕上書及公卿大夫咸言安漢公盛勲堂堂如此

今當立后柰何廢公女願得公女爲天下母莽遣
長史以下分部曉止而上書者愈甚太后不得已
聽采莽女莽復自白宜博選衆女公卿爭不宜采
諸女以貳正統莽女遂立爲后厥後又采伊尹周
公稱號加莽爲宰衡位上公

臣按莽既顓國柄又求爲后父則其尊莫與匹
矣然委蛇曲折備極姦偽之態若不得已而後
受焉自是身爲宰衡女配宸極朝廷宮省之權
一出於己於奪國也何有其後曹操將篡漢亦
殺伏后而立其女隋楊堅以后父而取後周之
天下大抵類此

是歲莽奏起明堂辟雍靈臺爲學者築舍萬區徵

永士

奸雄

竊國

加九命之錫

天下通一藝以上皆詣公車網羅天下異能之士至者前後千數

臣按莽將篡漢故為此以要譽於天下之士非真有意育材致賢為漢家計也

羣臣奏言宰衡位宜在諸侯上上詔曰可其議九

錫之法遂加九命之錫

九錫者車馬衣服樂垂朱戶納陛武賁鉞鉞弓矢秬鬯

臣按九錫者天子之禮也齊桓晉文有功於周

宰所錫者二三而已今莽備之是乃居攝即真

之漸也其後人臣將篡者必先加此蓋皆用莽

故事云

莽先所白遣風俗使者八人還詐為郡國造歌謠

符命起

莽即真位

頌功德凡三萬言泉陵侯劉慶言周成王幼小稱
孺子周公居攝今帝富於春秋宜令安漢公行天
子事平帝崩莽也莽選宣帝玄孫中最幼子嬰年
二歲託以卜相最吉是月前輝光謝囂奏武功長
孟通浚井得白石有丹書文曰告安漢公莽爲皇
帝符命之起自此始莽使羣公以白太后曰莽非
有它但欲稱攝以重其權填服天下耳太后許之
乃令居攝踐阼如周公故事明年改元居攝立嬰
爲皇太子號曰孺子後又稱符命即真天子位定
有天下之號曰新云班固贊曰王莽始起外戚折
節力行以要名譽及其居位輔政成衰之間勤勞
國家動見稱述豈所謂色取仁而行違者邪莽既

奸雄竊國

陰於集付

不仁而有佞邪之材又乘四父歷世之權遭漢中微國統三絕而太后壽考為之宗主故得肆其姦慝以成篡竊之禍及其竊位南面處非所擬顛覆之勢險於桀紂而莽晏然自以為黃虞復出也廼始恣睢奮其威詐滔天虐民窮凶極惡毒流諸夏亂延蠻貊自書傳所載亂臣賊子無道之人考其禍敗未有如莽之甚者也

臣按班固所評可謂盡莽之情狀矣然嘗論之莽之姦偽固足以欺天罔人然使成帝不任外戚以政而元后不私外家以權則莽雖挾材任數方陳力奔走之不暇何惡之能為故莽之至此者成帝元后之罪也雖然豈獨莽哉前而田

奸雄竊國

恒後而操懿姦則姦矣使人主能謹履霜之戒而不失馭臣之柄則皆當時之能臣也嗚呼有天下者其可不防其漸

以上論姦雄竊國之術

臣按古今篡臣多矣而獨載此四人者以其姦謀詭計最巧且密故也若曹操之篡漢則因討賊而顯兵柄司馬懿之篡魏則因受遺而盜國柄其後劉裕之篡晉也似操楊堅之篡周也似懿是數人者皆以虎狼之暴劫取神器其情狀為易知而此四人者其狡如兔其媚如狐其陰中人如鬼域其居膏肓之間如二孺子能使人主陰授以國而不知其情狀為難察臣故略其

易知者而著其難察者欲有天下者開卷瞭然
如見九鼎而識魑魅罔兩之形圖之於未然杜
之於未兆庶乎竊國之姦不得而逞矣呼嗚艱
哉

真西山讀書記乙集上大學衍義卷第十七



先王
恤邪
罔上
之術

秦二世時
趙高用法
刻刑

真西山讀書記乙集上大學衍義卷第十八

格物致知之要二

韓人

秦二世立以趙高為郎中令

高宦者

常侍中用事二

世燕居召高謂曰人之居世間猶騁六驥過決隙

也吾欲悉耳目之所好窮心志之所樂以終吾年

壽可乎高曰此賢主之所能行而昏亂主之所禁

也夫沙丘之謀諸公子及大臣皆疑焉而諸公子

盡帝兄大臣又先帝之所置也今陛下初立此皆

怏怏不服恐為變陛下安得為此樂乎二世曰為

之奈何高曰嚴法而刻刑令有罪者相坐誅至收

族滅大臣而遠骨肉貧者富之賤者貴之盡除去

先帝之舊臣更置陛下所親信者如此則害除而

姦謀塞陛下安枕肆意寵樂矣二世然之乃更為
法律羣臣諸公子有罪輒下高令鞠治之殺大臣
蒙毅等公子十二人僇死咸陽市財物入縣官法
令誅罰日益刻深羣臣人人自危欲畔者衆於是
楚戍卒陳勝吳廣等作亂起於山東傑俊相立為
侯王叛秦

臣按姦臣之將盜有其國也必先以荒昏淫樂
蠱其君之心術然後已之志得行趙高之於二
世欲有以蠱之久矣一聞恣耳目窮心志之問
即深贊之曰此明主之所能行而昏主之所禁
也夫兢兢業業無遊無逸者堯舜之行也荒湛
于色淫酗于酒者桀紂之行也高言悖道反易

奸臣圖上

昏明本不難照蓋高之心欲二世盡除先朝舊人而專政於己故因其問而極言勸誘之夫深刑峻法剪滅大臣宗室高之所自便也安枕肆意於淫樂此二世之所喜聞也中其主之所喜以伸己之所便故高言一進如石投水卒之刑戮蕃而怨畔起二世之身且岌岌然猶燕巢幕安枕之樂果何在我二世既以此敗亡世之人遂以高言為鈎吻鳥喙必殺人之物然佞邪之臣以此蠱其君昏亂之主以此覆其國者相踵也是明知其為鈎吻鳥喙必殺人之物而甘心嗜之不厭也嗚呼悲夫

李斯數欲請諫二世不許而責問斯曰彼賢人之

李斯

奏督責
之法

有天下專用天下適已而已矣吾欲肆志廣欲長
享天下而無害為之奈何李斯子由為三川守羣
盜略地過去莫能禁使者覆案三川相屬誚讓斯
居三公位如何令盜如此李斯恐懼重爵祿不知
所裁乃阿二世意欲求容以書對曰夫賢主者必
能行督責之術者也督責之則臣不敢不竭能以
徇其主矣申子曰有天下而不恣睢恣縱也睢仰目貌命
之曰以天下為桎梏者無他焉不能督責顧以其
身勞於天下之民若堯禹然故謂之桎梏也夫不
能修申韓之術行督責之道專以天下自適而徒
務苦形勞神以身徇百姓則是黔首之役非畜天
下者也商君之法刑棄灰於道者夫棄灰薄罪也

奸臣 罔上

而被刑重罰也唯明主為能深督輕罪夫罪輕且
督深況有重罪乎故民不敢犯也且夫節儉仁義
之人立於朝則荒肆之樂輟矣諫說論理之人間
於側間去聲則流漫之志詘矣烈士死節之行顯
於世則滛康之虞廢矣虞與娛同故明主能外此三者
而獨操主術以制聽從之臣故身尊而執重也書
奏二世悅於是行督責益嚴稅民深者為良吏殺
人衆者為忠臣刑者相半於道而死人日積於市
二世曰若此可謂能督責矣

臣按二世之問李斯即前之所以問趙高者也
而斯所進說更甚於高排堯禹而進申商於是
督責之法行而人無容足之地矣舉天下之人

趙高謀
沮二世首
政事

無所容足而為人君者欲偃然自肆於上有是
理哉臣謂斯高之言皆斷喪秦室之斧斤後世
人主不可以不察

趙高所殺及報私怨衆多恐大臣奏事毀之乃說
二世曰天子所以貴者但以聞聲羣臣莫得見其
面故號曰朕且陛下富於春秋未必盡通諸事今
坐朝廷譴舉有不當者則見短於大臣非所以示
神明於天下也且陛下深拱禁中與臣及侍中習
法者待事事事來有以揆之如此則大臣不敢奏疑
事天下稱聖主矣二世用其計乃不坐朝廷見大
臣居禁中事皆決於高

臣按自昔忠臣欲其君之賢且明者必勸之以

奸臣圖上

高巧诬斯
罪自拜相丞

躬攬萬機日臨羣臣如太陽之燭萬物輝光所
發無所不被然後已得以輸其忠誠而措天下
於安自昔姦臣欲其君之愚且闇者必勸之以
深居宮省託耳目於左右之便嬖而下情之隱
伏政令之得失一無所睹然後已得以肆其姦
慝而擠天下於亡忠臣姦臣之分亦觀於是而
已矣

高聞丞相斯以為言乃見斯曰關東羣盜多今上
急益發繇治阿房宮聚狗馬無用之物臣欲諫為
位賤此真君侯之事君何不諫斯曰吾欲言之久
矣上不坐朝居深宮欲見無間間音閑謂高曰君
誠能諫請為君侯上間語君於是趙高待二世方

燕樂婦女居前使人告斯上方間可奏事丞相至
宮門上謁如是者三二世怒曰吾常多間日丞相
不來吾方燕私丞相輒來請事丞相豈少我哉

謂以我年少而相輕也

趙高因曰沙丘之謀丞相與焉今陛

下立為帝而丞相貴不益此其意欲望裂地而王
矣且丞相男李由為三川守楚盜陳勝等皆丞相
傍縣子過三川城守不肯擊高聞其文書相往來
且丞相居外權重於陛下二世以為然乃使人案
驗三川守與盜通狀李斯聞之是時二世在甘泉
方作轂抵優俳之觀轂音角斯不得見因上書言高
有邪佚之志危反之行陛下不圖臣恐其為變二
世信高恐斯殺之乃私告高高曰丞相所患者獨

奸臣 圖上

高、高死丞相即欲為田恒所為於是二世以斯屬郎中令高案治斯與子由謀反狀榜掠千餘不勝痛自誣服斯從獄中上書高使吏棄去不奏曰囚安得上書高使其客十餘輩詐為御史謁者侍中更往覆訊斯斯以實對輒復榜之後二世使人驗斯斯不敢更言辭服奏當上二世喜曰微趙君幾為丞相所賣二年具斯五刑腰斬咸陽市斯已死二世拜高為中相丞事無大小輒決於高

臣按此趙高誘斯而陷之也斯之姦詐豈下於高者且墮高術中而不悟況二世之庸闇何恠其玩弄於股掌間如嬰兒乎高之所忌者斯也斯死則高之為田恒也不難矣高乃反而言之

趙高指鹿
為馬

吁可畏哉斯死而高代之且剗為中丞相之名
內而宮禁外而軍國無不在其掌握中者二世
之未為齊簡公直湏時耳

趙高欲為亂恐羣臣不聽乃先設驗持鹿獻於二
世曰馬也二世笑曰丞相誤邪謂鹿為馬問左右
或嘿或言馬以阿順高或言鹿高因陰中諸言鹿
者後羣臣皆畏高

臣按此高將為篡奪之事故以此嘗試羣臣而
卜其從已與否也鹿馬易辨之物而羣下不敢
言則其為亂也孰禦事執至此縱二世覺之亦
無能為矣聖人有言不曰如之何如之何者吾
末如之何也矣故有國者必防其漸

高殺二世立
子嬰殺高
嬰亡

奸臣 同上

高前數言關東盜無能為及項羽虜秦將王離等

鉅鹿下而章邯等數却邯亦秦將燕趙齊楚韓魏皆立

為王自關以東大抵盡畔秦吏應諸侯諸侯咸率

其衆西鄉沛公已屠武關漢高帝時以沛公起兵高恐二世

怒誅及其身乃謝病不朝見使其婿咸陽令閻樂

等引兵入望夷宮高入告曰山東羣盜兵大至因

劫二世令自殺引璽而佩之左右百官莫從乃召

子嬰立之子嬰即位以計殺高夷三族嬰立三月

沛公兵從武關入嬰降項羽至殺之秦亡

臣按趙高之工為諛說二世必以為愛已也孰

知其睥睨璽韞欲取而代已哉斯高之謀其終

遷史臣今剽取其略欲人主知姦邪情狀之

此而二世信之其禍敗若彼庶為永鑑乎高本
閹人臣今不列于內臣之篇而叙於姦臣之首
者以其姦凶桀黠不可以閹臣視之故也恭顯
之屬放此

漢中書令弘恭僕射石顯

二人皆宦者中書令在漢皆宦官之屬

自宣帝時久典樞機

樞機出戶之要處故以喻政事之牙

機要

明習文法元帝即位多疾以顯久典事中人

無外黨精專可信任遂委以政事無小大因顯白

決貴幸傾朝百僚皆敬事顯顯為人巧慧習事能

探得人主微指內深賊持詭辯以中傷人

說新莽

之

忤恨睚眦

忤恨連忤而怒恨睚眦怒目相視貌起之小者也

輒被以危

灋

被加也

奸臣

同上

古五能覘
上意

臣按自昔小人將竊權寵必先窺伺主意而迎合之蓋人主好惡不同喜怒難必非潛觀密測得其指志則無以為容悅取媚之地故薛公事齊王王有愛姬七未知所立薛公獻七珥美其一明日視美珥所在請立以為夫人王從之申不害相韓昭侯昭侯謀之以事白子未知侯之所欲也則使同列二人先陳其計微視昭侯所悅而言之昭侯大悅姦臣事君多合少忤者以其能覘上意所在故也石顯之見信於漢元蓋用此術

時外屬侍中史高太子太傅蕭望之少傅周堪皆受宣帝遺詔輔政望之堪以師傅舊恩數宴見言

蕭望之亦
吳石顯亦
有墮

治亂陳王事望之建白宗室明經有行散騎諫大

夫劉更生給事中

漢制給事中為加官朝臣加此則入朝內朝故曰給事中非今

兩省官

與侍中金敞並拾遺左右

拾遺謂人君言或遺失則

後合而正教之也故四人同心謀議勸導上以古

誼多所欲匡正上甚鄉納之史高充位而已

言位

無所由此與望之有隙石顯亦與高相表裏常獨

持故事不從望之等

臣按小人欲擠君子必固結有力者以為黨援

然後君子不得以自容史高外屬尊重而與望

之有隙故石顯與高相表裏以排之望之之見

絀也宜矣

望之疾恭顯擅權建白宜罷中書宦官由是大與

恭顯所誣
生之亦就信

好臣 同上

去善人以前
堂

恭顯忤恭顯奏望之堪更生朋黨相稱舉欲以專
擅權勢為臣不忠誣上不道請謁者召致廷尉時
上初即位不省召致廷尉為下獄可其奏後上召
堪更生曰繫獄上大驚曰非但廷尉問邪以責恭
顯皆叩頭謝上曰令出視事恭顯因使史高言上
新即位未以德化聞於天下而先驗師傅驗謂考
其罪
也既下九卿大夫獄宜因決免於是赦望之罪及
堪更生皆免為庶人

臣按先朝名臣歐陽脩有言自古小人讒害忠
良其識不遠欲廣陷良善則不過指為朋黨欲
搖動大臣則必須誣以專權其故何也夫去一
善人而衆善人尚在則未為小人之利欲盡去

之則善人少過難為一二求瑕惟指以為朋黨
則可一時盡逐至如大臣已被知遇而蒙信任
者則不可以他事動搖惟有專權是人主之所
惡故須此說方可傾之臣觀恭顯奏望之等一
則曰朋黨二則曰擅權以其實考之望之等同
心謀國古誼正君安有朋黨擅權之事而恭顯
史高交相朋比專執政機是乃所謂朋黨擅權
者恭顯等有其實而誣望之等以此名姦邪小
人貿亂黑白大抵如此史稱顯內深賊持詭辯
以中傷人謂此類也而元帝懵然曾不之察其
請召致廷尉則許之既知其無罪而出之矣及
請免為庶人又許之由君德不明故小人得以

奸臣同上

望之復用
显輩忌之

售其計吁可嘆哉

四月詔賜蕭望之爵關內侯給事中朝朔望復徵
堪更生欲以為諫大夫恭顯白皆以為中郎上器
重望之不已欲倚以為相恭顯及許史子弟皆側
目於望之等許氏史氏皆外戚也更生乃使其外親上變事
言地動殆為恭等宜退恭顯以章蔽善之罰進望
之等以通賢者之路書奏恭顯疑更生所為白請
考姦詐辭果服遂逮更生繫獄免為庶人會望之
子伋亦上書訟望之前事下有司復奏望之教
子上書失大臣體不敬請逮捕恭顯等知望之素
高節不詘辱建白望之前幸得不坐復賜爵邑不
悔過服罪教子上書歸非於上自以託師傳終必

望之飲鴆
自殺

姦五殺吳
之術

不坐非頗屈望之於牢獄塞其怏怏心則聖朝無
以施恩厚上曰蕭太傅素剛安肯就吏顯等曰人
命至重望之所坐語言薄罪必無所憂上乃可其
奏顯封詔以付謁者令召望之急發執金吾車騎
圍其第執金吾掌
兵官也使者至召望之望之飲鴆自殺
天子聞之驚拊手曰曩固疑其不就牢獄果然殺
吾賢傳太官方上晝食太官主
御膳上卻食涕泣召顯
等責問以議不詳皆免冠謝良久然後已

臣按姦邪之臣類多權術是智數惟其立心之
不正故不以為善而以為惡不以為忠而以為
欺以恭顯觀之彼知蕭望之之高節不撓非能
忍辱者也故致之於獄是欲激之使自殺也而

奸臣 同上

望之果自殺彼知元帝之易於欺罔也故始以
召致廷尉為辭而實則繫獄後以少屈牢獄為
辭而實則迫其自殺使顯所事纔中主亦未必
敢爾惟其料元帝之闇懦必不能我治也是以
為之而帝果不能治揣度之工計慮之巧無一
不然者使用此心以為忠為善其益可勝既邪
故曰小人挾材以為惡惡亦無不至司馬光之
言信矣夫擅殺師傅罪之大者也免冠權謝禮
之微者也以微禮而塞大罪帝亦不能復有所
問徒卻食涕泣而已顯於是時雖外為震懼謝
罪之形而中實笑且侮也必矣故為人君者無
乾健離明之德而區區於婦人之仁其不為姦

漢元時

石顯顯權

房上疏

論幽厲

進邪惡

齊桓秦二
世不悟

臣之所玩者幾希

東郡京房上疏屢言災異有驗天子說之數召見

房時石顯顯權是弘恭巴死房嘗宴見問上曰

幽厲之君何以危所任者何人也上曰君不明而

所任者巧佞房曰知其巧佞而用之邪將以為賢

也上曰賢之房曰然則今何以知其不賢也上曰

以其時亂而君危知之房曰若是任賢必治任不

肖必亂必然之道也幽厲何不覺悟而更求賢曷

為卒任不肖以至於上是上曰臨亂之君各賢其臣

令皆覺悟天下安得危亡之君房曰齊桓公秦二

世亦嘗聞此君而非笑之然則任賢乃趙高政日

益亂盜賊滿山何不以幽厲卜之而覺悟乎上曰

春秋
漢時
災異

奸臣 圖上

亂在用

唯有道者能以往知來耳房因免冠頓首曰春秋
紀二百四十二年災異以示萬世之君今陛下即
位以來日月失明星辰逆行山崩泉涌地震石隕
夏霜冬雷春凋秋榮隕霜不殺水旱螟蟲民人饑
疫盜賊不禁刑人滿市春秋所紀災異盡備陛下
視今為治邪亂邪上曰亦極亂耳房曰今所任用
者誰歟上曰然幸其愈於彼愈猶勝也又以為不在此
人也房曰前世之君亦皆然矣臣恐後之視今猶
今之視前也上良久曰今為亂者誰哉房曰明主
宜自知之上曰不知也如知何故用之房曰上最
所信任與圖事帷幄之中進退天下之士者是矣
房指謂石顯上亦知之曰已諭房罷出後上亦不

顯宗
房為郡
終宗市

權幸五

明君杜漸

能退顯也顯及五鹿充宗五鹿姓充宗名顯之黨也皆疾房欲遠之建言宜以房為郡守帝於是以房為魏郡去月餘坐事徵下獄棄市

臣按京房之言於元帝者可謂深切著明矣上曰已諭則是知顯之為姦也而卒不能去者蓋權倖之臣始則媚君以徼寵終則劫君以固位方其始也人主之知未深阿意容悅無所不至苟幸入明夷之左腹則鍵閉之謀日工依憑之黨日盛中外大權既出其手則猶伏社之鼠不可熏也穴墉之狐不可灌也又如盲音龍之疾藥之不能達傳音附咽之癭近而不可割也惟明智之君攻之有漸去之有方庶幾其可不然則

奸臣圖上

石顯之黨

石顯結黨
擅權

容養亦亡決裂亦亡夫元帝知顯之姦而卒不
之去者非不欲去不能去也其所以不能去何
也發車騎以圍大臣之第則其權可以擅興矣
殺蕭望之殺張猛殺賈捐之則其權可以擅戮
矣以外屬則史高為之黨以中謁者則牢梁為
之黨以外廷小人則五鹿充宗等為之黨權勢
隆而黨援衆是其所以不能去也故聖人贊易
於姤之初六曰勿用取女蓋以陰之方萌則抑
之制之而不使至於不能去也嗚呼微哉
石顯威權日盛公卿以下畏顯重足一迹顯與中
書僕射牢梁少府五鹿充宗結為黨友諸附倚者
皆得寵位顯自知擅權事柄在掌握恐天子一旦

恐左右間已
待詔開門

宮書間入
謀告保身

奸臣 同上

納用左右以間已乃時歸誠取一信以為驗顯嘗
使至諸官有所徵言奉使往諸官司徵召而取發也顯先自白恐
後漏盡宮門閉請使詔吏開門上許之顯故投夜
還稱詔開門入後果有上書告顯顯命矯詔開宮
門天子聞笑以其書示顯顯因泣曰陛下過私小
臣屬任以事羣下無不嫉妬欲陷害臣者事類如
此唯獨明主知之愚臣微賤誠不能以一軀稱快
萬衆臣願歸樞機職受後宮掃除之役死無所恨
唯陛下哀憐財幸以此全活小臣天子以為然而
憐之數勞勉顯加厚賞賜賞賜及賂遺貲一萬萬
臣按顯之姦慝夫人而知之獨元帝未之知爾
恐一朝敗露而無所自容也於是設為此謀以

甲過
乙毀

顯忠訕已
厚禹

取信人主

固上意而塞人言其亦巧也已矣昔有仕于州
郡而爭貢舉者甲有過乙輒白之居一日甲墨
其臂若嘗文身者乙喜遽以白長吏長吏呼而
驗之無有也於是甲訴曰凡乙之見誣類若此
自是乙之言不復入而甲被薦矣此閭巷相擠
之小數而顯用之以誑其君元帝莫之察也吁
可嘆哉

初顯聞衆人匈匈言已殺前將軍蕭望之恐天下
學士訕已以諫大夫貢禹明經著節者乃使人致
意深自結納因薦禹天子歷位九卿禮事之甚備
議者於是或稱顯以為不妬譖望之矣顯之設變
詐以自解免取信人主皆此類也

奸臣同上

吳主時
張布亦以
佞巧黜章
昭之類

臣按顯之此舉又以文已過而掩衆言後王鳳
既殺王章杜欽亦教之以舉直言極諫並見郎
從官展盡其意使天下知不以言罪下姦邪之
臣巧於緣飾大抵如此賊莽宗之遂以竊國然
則顯之用志豈淺淺哉
吳主孫休即位之休左將軍張布與丞相濮陽興
皆貴寵用事以佞巧更相表裏吳主喜讀書欲與
祭酒韋昭博士盛冲講論布以昭冲切直恐其入
侍陰言已過固諫止之吳主曰孤之涉學羣書略
徧但欲與昭等講習舊聞亦何所損君特恐昭等
道臣下姦慝故不欲令入如此之事孤已自備之
不須昭等然後乃解也布皇恐陳謝且言恐妨政

吳主廢講

人主勉學

說務學之害

布好學之沮

士良使君不
親師生

事吳主曰王務學業其流各異不相妨也然吳主
恐布疑懼卒如布意廢講業不復使昭等入

按賈誼有曰帝入太學承師問道則德智長
而治道得董仲舒亦曰彊勉學問則聞見博而
智益明夫使人主德日長而智日明此天下國
家之福而臣子之大願也故忠臣之心惟欲其
君之務學傳說之告高宗是也姦臣之心惟恐
其君之好學張布之沮吳主是也或見仇士良
教其徒毋使人主親近儒生則以為此術自士
良始士良事而不知三國之世已有如張布者
矣儉邪用心不謀而合大抵若此然後之姦臣
又有反其機而用之者經帷雖設而所引多巧

晉武帝

賈充輩

寵任

裴楷直諫

充忌愷輩厚少傳

佞之徒儒臣雖接而所陳多蔽蒙之說與布異術而心則同人主皆不可以不察也

晉侍中尚書令車騎將軍賈充自文帝時寵任用

事文帝魏宰相司馬昭也封晉王後追謚為帝賈充為昭弑魏帝髦以成晉篡武帝為

太子充頗有力武帝可馬昭之子故益有寵於帝充

為人巧諂與太尉荀顗侍中荀勗中書監馮純相

為黨友朝野惡之泰始中帝問侍中裴楷以方今

得失對曰陛下受命四海承風所以未比德於堯

舜者但以賈充之徒尚在朝爾宜引天下賢人共

弘政道不宜示人以私侍中任愷庾純皆與充不

協充欲解其近職乃薦愷忠貞宜在東宮帝以愷

為太子少傅而侍中如故會樹機能亂秦雍帝以

克結婚太子
復居旧任

奸臣
同上

臣按賈充自司馬昭相魏時昭魏三公輔成篡

弑之事在晉室則為元功其實天下之大賊也
用事日久姦邪小人如荀勗輩朋而翼之惟恐

賈充忌愷
漢吏部尚書
愷字口口

充一出外而失其所恃也故秦涼之行且赴鎮
矣而荀勗為畫結婚之謀且力稱充女之才德
於是充遂留而婚以成帝嘗謂其五不可矣後見
篇然內則楊后受郭槐之賂以主之外則荀
勗諸人更相從史以助之雖帝初心之明至此
亦眩惑不能自決矣蓋姦臣用事未有不內結
宮闈外交羣小而後能遂其所欲者妃立而晉
室之亂萌先儒邵雍以為禍在夕陽亭之一語
而不在石勒長嘯上東門之時豈不然哉
賈充與任愷皆為帝所寵任充欲專名執而忌愷
乃薦愷為吏部尚書愷侍觀轉希充因與荀勗等
承間共譖之愷由是得罪廢於家

小人害君子

當庸則

顯擢

當明主信排

奸臣

同上

古直欲忘賢

因薦棄位

臣按小人之害君子其情狀非一當庸闇之主則顯擢之恭顯之於蕭望之是也當材明之主則陰排之賈充之於任愷是也晉武雖未得為賢君然非庸闇者比又愷亦為帝寵任而充欲傾之則亦難矣故前稱其忠正宜在東宮是欲奪其侍中之職使不得在左右也計既不行又薦之為吏部尚書天官之任重矣然職在銓衡非若侍中之近密也其計既行遂以事擠之而斥廢焉其亦可謂巧也已昔趙堯欲奪周昌御史大夫之位則勸高帝為趙王如意擇貴彊相而因薦昌公孫弘嫉董仲舒欲黜之于外則言於武帝使為膠西相蓋高帝孝武皆明君也而

梁武

朱异曲營

世卷

明主觀人
規箴乃忠

周昌仲舒之賢亦見知於二帝使二人誣之以
罪而顯擠之未必見從惟其陽借薦譽之名而
陰施排擯之術故雖二帝之明有弗察焉此賈
充之計所以得行於晉武也

梁武帝時中領軍朱异文華敏給曲營世譽得幸
於上异善伺候人主意為阿諛用事三十年廣納
貨賂欺罔視聽遠近莫不忿疾園宅玩好飲膳聲
色窮一時之盛每休下車馬填門

臣按此梁史臣形容朱异之語也文華敏給則
人主悅之矣曲營世譽則衆論悅之矣又能伺
候上意而為阿諛此恩寵之所以益固也惟明
主之觀人也不以文華而以德行不以虛譽而

姦惡常態

奸臣同上

弄忌徐摛
謀白馬守

婦妬

五嫉

婦不肯專

以功實不以承迎已意為善而以親弼已過為忠如此則雖百朱异不能惑矣夫入則睚眦於前卑伏如鼠出則橫恣於外貪噬如虎此姦臣之常態也故朱异既以阿諛得幸於上則以威福取賂於下矣人主不察但見柔而可喜又豈知其情態之真也哉

太子侍讀徐摛見上應對明敏寵遇日隆朱异不悅乘間白上摛年老愛泉石意在一郡自養上謂摛真欲之遂出為新安太守

臣按婦欲顯其夫故入宮者必見妬臣欲顯其君故入朝者必見嫉使婦之用心如膠木如蠶斯則不肯專其夫矣臣之用心如秦擔之一介

梁武帝

臣其心休休然如有容則不肯專其君矣方是時昇以姦諛得幸於帝惟恐才能之出已右者得進而分其寵故雖區區一徐擣且不見容而必以計去之然其言曰擣年老愛泉石欲求一郡自養使帝以昇言而質之擣則其姦罔立見矣然昇敢於為此者蓋揣帝之意惟已信必不加質問故也後之姦臣顓國擅政不欲人主它有親任者大率以術去之如昇者蓋其一也東魏侯景與高澄有隙澄高歡之子內不自安擣河南叛請舉十三州內附上召羣臣廷議皆謂非宜是歲正月乙卯上夢中原牧守皆以地來降旦見朱昇告之昇曰此宇內混一之兆也及景使至

東魏求

和

朱异可和

奸臣
同上

上和

稱景定計以正月乙卯上愈神之然意猶未決嘗
獨言我國家如金甌無一傷缺今忽受景地詎是
事宜脫致紛紜悔之何及朱异揣知上意對曰聖
明御極南北歸仰正以事無機會難達其心今侯
景分魏土之半以來自非天誘其衷人贊其謀何
以至此若拒而不納恐絕後來之望上乃定議納
景東魏高澄數遣書求復通好許正陽侯淵明還
淵明宗室子淵明亦遣人奉啓上得啓流涕與朝
以戰敗留魏官議之朱异又言靜寇息民和實為便司農卿傅
岐曰高澄何事湏和必是設間故命正陽遣使欲
令侯景自疑景意不安必圖禍亂若許通好正墮
其計中异固執宜和上亦厭用兵乃從异言景以

異金

侯景反

異勳發疾卒

金三百兩餉異異受金不為通啓景於是始為反計鄱陽王範密以啓聞上以邊事專委朱異動靜皆關之異以為必無此理自是範啓異不復為通景反於壽陽以誅異及少府卿朱麟太子右衛率陸驗制局監周石玠為名异等皆以姦佞蔽主弄權為時人所疾故景託以興兵及景濟江圍臺城朝野共尤朱异异慙憤發疾卒上痛惜之特贈尚書右僕射

時太清三年正月也三月城陷五月武帝殂簡文立為景所篡

臣按朱异以善伺上意為阿諛取寵倖至謀國

大事不論是非可否亦惟上意是覘侯景之降納之非策也异揣帝意在於得中原之土故勸而成之正月乙卯之夢帝嘗以語异异既為諂

奸臣 同上

異納貨賂

語以媚帝矣及景使之來果云來降之謀決於
乙卯蓋異教之使言以符合上意也帝不察而
神之豈天奪其鑒使懵然若是邪夫景之叛魏
由其與高澄有隙也既納景之降則不當通澄
之使雖三尺童子猶能知之而異復揣帝意在
於得正陽之還故又勸而成之通澄之和是趣
景之反也異本儒生豈蠢然無識者其為此也
特欲富貴耳用事三十年廣納貨賂田園第館
姬妾玩好甲於一時惴惴焉惟恐其失故一切
惟主意是奉而不暇爲國忠謀梁武甘其佞樂
其詐侯景之逼朝野皆歸罪異而帝獨不知之
方且哀憐於既死之餘而寵贈以非常之典臨

正人

奸臣罔上

亂之君各賢其臣殆謂此邪夫人君欲觀其臣之邪正大略有二道焉謀議徇國不徇君此正人也反是則邪矣處身徇義不徇利此正人也反是則邪矣為大臣而導諛黷貨兼有二罪梁武一弗之察其致禍亂也宜哉

以上論儉邪罔上之情

臣

真西山讀書記乙集上大學衍義卷第十八

長正

檢邪

同上

之情

隋煬帝

樂裴蘊

清括

楊士彞

表矩請括

真西山讀書記乙集上大學衍義卷第十九

格物致知之要二

辨人材

初高齊之末有魚龍山車等戲謂之散樂隋高祖

受禪命牛弘定樂非正聲者悉放遣之煬帝以啓

民可汗將來朝

啓民可汗突厥之君也

欲以富樂誇之太常

少卿裴蘊希指奏括天下周齊梁陳樂家子弟皆

為樂戶六品以下至庶人有善樂者皆直太常於

是四方散樂大集東京闕之於芳華苑積翠池其

後悉配太常置博士弟子以相傳授樂工至三萬

餘人西域諸胡多至張掖交市帝使吏部侍郎裴

矩掌之矩知帝好遠略諸商胡至者矩誘訪諸國

山川風俗王及庶人儀形服飾撰西域圖記三卷

奸臣 同上

裴蘊自新
人罪

入朝奏之且言諸國並因商人密送誠款願為臣妾若服而撫之渾厥可滅謂吐谷渾突厥二大國也戎夏可壹帝大悅日引矩至御坐親問西域事矩盛言胡中多諸珍寶吐谷渾易可并吞帝於是慨然慕秦皇漢武之功甘心將通西域四夷經略咸以委之以矩為黃門侍郎復使至張掖引致諸胡啗之以利勸令入朝自是西域諸胡往來相繼所經郡縣疲於送迎糜費以萬萬計卒令中國疲弊以至於亡皆矩之唱導也

御史大夫裴蘊與裴矩虞世基參掌樞密善候伺人主微意所欲罪者則曲法燬成其罪所欲宥者則附從輕典是後大小之獄皆以付蘊蘊有機辯

薛道衡
上高祖頌

蘊奏道衡
為悖逆

帝稱矩能

言若懸河或重或輕皆由其口時人不能致詰

初內史侍郎薛道衡以才學有盛名久當樞要煬

帝即位道衡上高祖文皇帝頌上覽之不悅曰道

衡致美先朝此魚藻之義也魚藻大雅篇名將置

之罪會議新令不決道衡謂朝士曰向使高顗不

死令決當久行顗者文帝賢相煬帝殺之有人奏之帝怒付執

法者推之裴蘊奏道衡負材恃舊有無君之心論

其罪名似如隱昧原其情意深為悖逆帝曰公論

其逆妙體本心遂令自盡天下冤之帝稱裴矩之

能謂羣臣曰裴矩大識朕意凡所陳奏皆朕之成

筭未發之頃矩輒以聞自非奉國盡心孰能若是

是時矩與左翊衛大將軍宇文述內史侍郎虞世

矩筆臨

郭衍勸帝五日一朝

煬帝問盜賊

問伐高麗

基御史大夫裴蘊光祿大夫郭衍皆以諂諛有寵
述善於供奉容止便辟侍衛者皆取則焉郭衍嘗
勸帝五日一視朝曰無効高祖空自勞苦帝益以
為忠曰唯有郭衍心與朕同

帝問侍臣盜賊宇文述曰漸少帝曰比從來少幾
何對曰不能什一納言蘇威曰臣非所司不委多
少但患漸近帝曰何謂也威曰他日賊據長白山
今在汜水且往日租賦丁役今皆何在豈非其人
皆化為盜乎比見奏賊多不以實遂使失於支計
不時翦除又昔在鴈門許罷征遼今復徵發賊何
由息帝不悅而罷後又問伐高麗事威欲帝知天
下多盜對曰今茲之役願不發兵但赦羣盜自可

奸臣圖上

世基不以
盜中

賊
楊義臣降

得數十萬遣之東征彼喜於免罪爭務立功高麗
可滅帝不憚威出御史大夫裴蘊曰此大不遜天
下何處有多許賊帝曰老革多姦老革猶言老革以賊脅
我欲批其口且復隱忍蘊知帝意遣人誣奏威罪
令案驗獄成除名為民
虞世基以帝惡聞賊盜諸將及郡縣有告敗求救
者世基皆抑損表狀不以實聞但云鼠竊狗盜郡
縣捕逐行當殄盡願陛下勿以介懷帝良以為然
或杖其使者以為妄言由是盜賊徧海內陷沒州
縣帝皆弗之知也楊義臣破降河北賊數十萬列
狀以聞帝歎曰我初不聞賊頓如此義臣降賊何
多也世基對曰小竊雖多未足為慮義臣克之擁

世基責義
破盜

李密圍東
都善達奏

世基以誑
奏

時人杜口
世基親飛

兵不少久在闔外此最非宜帝曰卿言是也遽追
義臣放散其兵賊由是復盛

煬帝既幸江都以其子越王侗為東都留守

東都洛陽

也李密帥眾逼東都

李密叛臣也

隋兵拒之敗走密移

檄數帝十罪越王侗遣太常丞元善達間行賊中
詣江都奏稱李密有眾百萬圍逼東都若陛下速
還烏合必散不然東都決沒因獻欬咽帝為之
改容虞世基進曰越王年少此輩誑之若如所言
善達何緣來至帝乃勃然怒曰善達小人敢廷辱
我因使經賊中向東陽催運善達遂為羣盜所殺
是後人人杜口莫敢以賊聞世基容貌沈審言多
合意特為帝所親愛朝臣無與為比親黨憑之

奸臣同上

蘊矩逢迎
煬帝志

耽樂

喜切

官賣獄賄賂公行其門如市由是朝野共疾怨之
內史舍人封德彝託附世基密為指畫宣行詔命
諂順帝意羣臣表奏忤旨者皆屏而不奏鞠獄用
法多峻丈深詆論功行賞則抑削就薄故世基之
寵日隆而隋政日壞皆德彝所為也

虞世基裴蘊亦被殺

後宇文化及弑煬帝

臣按隋煬不道罪浮於紂而蘊矩世基諸臣則
其飛廉惡來也然今考之蘊等所以眩惑其君
者初亡它技一惟逢迎上意而已知帝之耽嗜
音樂也則請括天下散樂百戲集于京師樂工
至三萬餘人於是帝之心蕩於鄭衛哇淫之聲
而流連酣宴無有窮極矣知帝之好大喜功也

怒進諷

急政事

忠中盜賊

奸臣
同上

則謂西域諸國富於珍寶請招而誘之使入朝
覲而渾厥可平於是帝之心慨然欲為秦皇漢
武之事而中國疲弊日趨於亡矣知帝怒薛道
衡進頌有諷刺之意則組織其罪曰原其情意
實為悖逆帝果悅之曰公論其逆妙體本心以
其能去己所惡也知帝之急於政事也則勸五
日一視朝曰無効高祖空自勞苦帝果悅之曰
惟有郭衍心與我同以其能順己所欲也其後
盜賊四起知帝之意尤所惡聞則四方表奏抑
而不達曰天下何處有許多賊曰鼠竊狗偷行
且盡殄於是帝惑其言發怒於蘇威致疑於楊
義臣切齒於元善達而賊益猖熾不可復制不

諸人欲保魏

適已則秋已

一二年隋遂以亡原諸人之所以為此者欲以
保有寵祿爾而不知國事既敗身無處所何寵
祿之可保邪即數人而論之虞世基者又姦之
首佞之魁也故魏徵嘗曰梁武偏信朱异以致
臺城之辱隋煬偏信虞世基以致江都之禍夫
二君之所以信之者由其能適已之欲也孰知
其所以適已者祇以禍已歟昔伊尹之告太甲
曰有言逆于汝心必求諸道有言遜于汝志必
求諸非道蓋忠言至論往往逆人主之心然揆
之理而得則雖忤意而當從姦言邪說往往順
人主之志然揆之理而悖則雖合意而當察人
主知此則揣摩之姦不得售而窺伺之計無所

唐高宗

許敬宗

反后太子
立后立代

帝后重

敬宗

逆殺賢王

朝廷甚重

施矣

唐高宗將立武昭儀為后

昭儀婦官名也武氏事見后德篇

大臣

切諫禮部尚書許敬宗陰揣帝私即妄言曰田舍

子贖獲十斛麥尚欲更故婦天子富有四海立一

后謂之不可何哉帝意遂定王后廢

王后高敬宗宗元妃敬宗所

請削后家官爵廢太子忠而立代王

代王生故敬宗請

立為太子帝得所欲故詔敬宗待詔武德殿西闥俄拜

侍中進中書令

侍中中書皆宰相官

敬宗於立后有助力知

后鉗戾能固主以久已權乃陰連后謀逐韓瑗來

濟褚遂良殺梁王

即太子忠也廢為梁王又殺之

長孫無忌上官

儀

媛濟遂良無忌皆當時賢相諫高宗朝廷重足立武后者也儀亦近臣得罪於武后

事之威寵熾灼當時莫與比

奸臣圖上

李義府
獻箴

言行俱邪

臣按敬宗陰揣帝私使其君廢正后易太子殺
顧命大臣一舉而夫婦父子君臣之綱皆絕高
宗悅之命以為相其後武氏得志改唐為周太
宗子孫屠翦幾盡禍亂之酷古所未聞由高宗
以色為悅而敬宗逢迎之也田舍之語鄙陋甚
矣而高宗乃以是定議者由其合意故也意有
所偏則姦邪得乘之而入可不戒哉

高宗之為太子李義府為太子舍人嘗獻承華箴
末云佞諛有類邪巧多方其萌不絕其害必彰義
府又諂事太子而文致若謹直者太子表之優詔
賜帛

臣按姦邪小人其品非一有言行俱邪者有以

德儉勸

義府請

反后立昭

儀

正言飾邪行者言行俱邪者其惡易見以正言
飾邪行者其惡難知義府以諂事太子而獻箴
之言乃近於正此姦邪之尤者若徒以言取之
豈不誤哉故聽言觀行者聖人垂世之大法也
唐高宗立義府遷中書舍人為長孫無忌所惡奏
斥驛州司馬詔未下義府問計於舍人王德儉德
儉者許敬宗甥多智善揣事因曰武昭儀方有寵
上欲立為后畏宰相議未有以發之君能建白是
轉禍為福也義府即叩閣上表請廢后立昭儀帝
悅召見與語賜珠一斛留復侍武后已立義府與
敬宗等相推轂濟其姦詐棄骨肉大臣故后得肆
意攘取威柄天子歛衽矣義府貌柔恭與人言嬉

義府號

笑中刀

人猫

奸臣圖上

欲見剛
盡佞

唐玄宗

怡微笑而陰賊偏忌著于心著直略反謂其甚惡根著于心也凡

忤意者皆中傷之時號義府笑中刀又以柔而害

物號曰人猫未幾拜中書侍郎同中書門下三品

唐宰相名也後又主選事無品鑒才谿壑之欲惟賄是

利母妻諸子賣官市獄門如沸湯

臣按義府以姦言易一身之富貴而賣唐家之

社稷吁可畏矣史氏形容其情態至今猶可想

見夫柔媚之人天資陰險未有不害物者也故

孔子欲見剛者而遠佞人蓋剛則果於為善而

佞則忍於為惡惟人主以孔門之法為取人之

方庶乎免於佞柔之惑矣

玄宗時李林甫為吏部侍郎時武惠妃寵傾後宮

林甫武惠
相厚

奸臣 同上

玄宗欲廢
太子林甫
達達

四海為家
大臣家老

子壽王愛尤盛

壽王謂惠妃所生

林甫因中人白妃願護

壽王為萬歲計妃德之會韓休薦林甫有宰相才

妃陰為助即拜黃門侍郎同中書門下三品

臣按女子小人其類同者也故外廷姦臣多倚

宮掖以自固而宮掖亦或結交於外廷以自助

此林甫所以願自効於惠妃而惠妃之所以薦

林甫也

皇太子瑛鄂王瑒光王瑤

三人皆玄宗子

被譖帝欲廢之

張九齡切諫

九齡時賢相

帝不悅林甫惘然私語中人

曰天子家事外人何與邪

臣按天子以四海為家凡中外孰非家事者而

大臣天子之家老凡中外事亦無不當與者焉

李勣勸林甫
自結於內

朝五不子
宦官擅制

玄宗欲還東
為耀卿言忌
如農
林甫請往

自李勣以此言贊高宗廢王后以自結於武氏
林甫効之又以此言贊明皇廢三子而自結於
惠妃事見後齊家篇姦臣用心欲逢其君之惡而杜絕
諫者之言故進斯語自是事關宮掖人臣有議
及之者人主必拂然曰此吾家事爾外朝臣何
與焉於是宦官宮妾始得以擅其斷制之權而
外廷無敢爭者其開端自勣與林甫始蓋萬世
之罪人歟

開元中玄宗在東都欲還長安裴耀卿等建言

耀卿

亦時

農人場圃未畢須冬可還林甫陽蹇獨在後

帝問故對曰臣非疾也願奏事二都本帝王東西
宮車駕往幸何所待時假令妨農獨赦所過租賦

奸臣圖上

可也帝大悅即駕而西

臣按天子之行千乘萬騎其所經歷豈無所妨
裴耀卿等請俟農隙是也而林甫覘知帝意亟
欲還都對同列而言懼為其所折於是陽蹇在
後而獨進迎合之說其所以為是者欲諂玄宗
而排耀卿爾玄宗果為之大悅耀卿亦以是罷
去姦人情態著在史冊至今猶在人耳目吁可
鄙哉

始張九齡由文學進

九齡當時賢相

守正持重而林甫為

人特以便佞故得大任每妬九齡陰害之帝欲進

朔方節度使牛仙客實封九齡謂林甫封賞待名

臣大功邊將一上最豈可遽議

最謂功伐也

要與公固

玄宗欲封功
賞仙客九齡
則不可林甫則
可

弘音
林甫背
爭林甫然許及進見九齡極論而林甫抑默退又
漏其言仙客明日見帝泣且辭帝滋欲賞仙客九
齡持不可林甫為人言天子用人何不可者帝聞
善林甫不專也由是益疏薄九齡俄與耀卿俱罷
政事

臣按汲黯嘗與公孫弘約共爭事至上前而弘
背之黯斥其懷詐面諛林甫之背九齡亦猶弘
之背黯也故黯九齡坐是廢斥而弘與林甫皆
得志而柄任焉其曰天子用人何不可者亦猶
前所謂天子家事外人何與凡皆導人主以自
專而勿卹人言也夫用人得失治亂所關不幸
而失大臣所當正救而謂惟其所用即無不可

戊戌年

玄宗用林甫
言殺三子

徐嶠妄言
鵲巢獄

奸臣
同上

則前古帝王何不每事自用而乃置諫爭輔弼
之臣以自繩約邪自昔小人順承其主則曰天
子所為何所不可激怒其主則曰貴為天子不
得自由凡若是者皆伐國之戈矛而迷主之醜
毒也故林甫之言入而九齡罷九齡罷而治亂
分其效蓋可觀矣

張九齡罷林甫進燕中書令帝卒用其言殺三子
即皇太子天下冤之大理卿徐嶠妄言大理獄殺

氣盛鳥雀不敢棲今刑部斷死刑歲纔五十八而
鳥鵲巢獄戶幾至刑措羣臣賀帝而帝推功大臣
封林甫晉國公

臣按孟子曰君子可欺以其方難罔以非其道

明皇反思
必知臣欺

林甫知皇不
察其奸不忌

石顯欺元帝

人君保泰
必明

明皇一日殺三子此何景也而羣臣乃以幾致
刑措賀在昔成康之世曷嘗有此邪是直以帝
為盲聾罔之以非其道也明皇誠反而思之吾
有子不能自保使臣下得譖而殺之彼鳥鵲乃
安其巢是以天子之子欲為鳥鵲不可得也則
必赫然震怒罪羣臣之欺罔者矣然林甫之輩
敢於為此者度帝之聰明已衰方愛悅諛佞必
不能察其欺罔故也明皇果喜而賞之林甫於
是時必自喜其謀之中而竊笑帝之易欺茲諛
蒙蔽愈無所忌矣臣前論石顯之料元帝無一
不中林甫之於明皇亦然故為人君者必有以
保養其聰明使佞邪小人不敢有所侮而動不

林甫謀廢太子肅宗

國忠按林甫危太子罪

然未有不為其所玩者

帝將立太子林甫探帝意數稱道壽王而帝意自

屬忠王

忠王名與即肅宗也

壽王不得立太子既定林甫恨

謀不行且畏禍乃陽善韋堅堅太子妃兄也使任

要職將覆其家以搖東宮又因柳勣上杜良娣父

有隣變事欲以及太子皆不果未幾使濟陽別駕

魏林誣河西節度使王忠嗣欲擁兵佐太子林甫

曰太子宜知謀帝曰吾兒在內安得與外人相聞

此妄耳林甫數危太子太子自以謹孝聞內外無

恙

也

故飛語不得入

時楊國忠為監察御史林甫與韋堅等獄欲危太

子以國忠怙寵搏鷲可用倚之使按劾國忠乃慘

奸臣圖上

文峭詆逮繫連年誣蔑致誅者百餘族度可以危
太子者先林甫意陷之皆中所欲

臣按林甫之所以相者賴惠妃之助也故前殺
三子後傾忠王凡皆為壽王地也幸明皇之意
堅定不移然猶三與大獄必欲動搖而後已蓋
肅宗之立出於上意已不得攘以為功壽王立
則已與惠妃中外相倚富貴可以長保林甫之
賊心如此幸肅宗無過可指而東宮之位不搖
異時中興帝室卒有賴焉殆天意相唐使林甫
之計獨弗售于此也不爾殆哉

林甫善刺上意

刺猶探也

時帝春秋高聽斷稍怠厭繩

檢重接對大臣及得林甫任之不疑林甫善養君

天欲

餉遺左右

林甫漁古人
三事

奸臣
同上

人主守約之方

欲自是深居燕適沈疊衽席主德衰矣林甫每奏
請必餉先遺左右審伺微旨以固恩信至饗夫御
婢皆所款厚故天子動靜必具得之

臣按林甫善刺上意即石顯之能探人主微指
也善養君欲即趙高之勸二世肆意淫樂也餉
遺左右即寒浞之行媚于內王莽之事旁側長
御也昔者姦臣各工其一而林甫獨兼焉是合
石顯趙高寒浞王莽為一人也唐室由是幾瀕
于亡推原其始由明皇之心先蕩故林甫得以
入之也人主誠能虛懷無我虛靜少欲嚴內外
之防杜私謁之禁雖有姦臣豈能售其姦哉禮
曰王中心無為以守至正夫惟一正可以御衆

明皇取士

林甫恐存已

使中丞監摠

開言路

招賢能

國家之利

小人無容

邪此人主守約之方也

時詔天下士有一藝者皆得詣闕就選林甫恐士

對詔或斥已即建言士皆草茅未知禁忌徒以狂

言亂聖聽請悉委尚書省長官試問使御史中丞

監摠而無一中程者林甫因賀上以為野無留才

臣按明君在上必廣至正之路以招賢能闢四

達之塗以徠忠謹則上無壅蔽之患而下無遺

逸之嗟此國家之利而非姦邪之便也蓋賢材

進則已無所容言路開則罪無所隱故林甫於

此曲為之沮梗焉既以尚書長官試問之又以

中丞監摠之雖有忠賢何由獲進宜其無一中

程者而林甫方以野無遺才賀其敢於欺罔豈

奉璋將言
林甫之罪抵死

姦臣置私
臣

明君親賢

不甚哉

咸寧太守趙奉璋得林甫二十餘條將言之林甫
諷御史捕繫奉璋劾妖言抵死

臣按姦臣之顯國必先布置私人使居權要之
地任擊搏之權而去其異己者然後得以肆行
而無忌當林甫時所用以為御史者必皆其黨
與也故趙奉璋欲言其罪則林甫亟諷御史劾
而殺之姦臣之權至於能僂言者則無所不可
者矣故明君在上既擇天下英賢委以股肱之
任而又選公清直亮之士使為耳目之官二者
交舉其職而無阿黨朋比之私則綱紀張治道
立矣

奸臣圖上

林甫以盧絢之
賢為賓詹

以挺之為詹
事

林甫為相凡才望出己右及為上所厚勢位將逼
己者必百計去之尤忌文學之士或陽與之善啗
以甘言而陰陷之世謂林甫口有蜜腹有劍上嘗
陳樂於勤政樓下垂簾觀之兵部侍郎盧絢謂上
已起按轡過樓下絢風標清粹上深歎其蘊藉林
甫嘗厚以金帛賂上左右上舉動必知之乃召絢
子弟語曰尊君素望清崇今交廣藉才聖上欲以
尊君為之可乎若憚遠行則左遷不然以賓詹分
務東洛亦優賢之選也絢懼遂乞賓詹上又嘗問
嚴挺之安在是人亦可用挺之時為絳州刺史林
甫退召挺之弟損之諭以上待尊兄意甚厚蓋為
見上之策奏稱風疾求還京師就醫挺之從之林

林甫以甘言
誤君得列

甫以其奏白上云挺之老疾宜且授之散秩使便
醫藥上歎詫久之以為詹事

臣按書稱四凶之罪曰象恭滔天而已曰巧言
令色孔壬而已堯能知之而舜能去之所以為
聖也林甫於數者之惡蓋悉兼之而明皇不能
察者欲汨之也詩曰盜言孔甘惟言之甘故人
蒙其害而不知此所以為盜也林甫之口有蜜
腹有劍所以為國之大賊乎傳曰苦言藥也甘
言疾也使明皇能知苦言之為藥甘言之為疾
九齡不去林甫不相則雖百禄山能為難乎故
內有衣冠之盜然後外有干戈之盜然則衣冠
之盜將何以察之曰眡其言之甘苦而已矣蓋

奸臣同上

林甫寵市
諫爭路絕

未有正人而甘其言亦未有邪人而能苦其言者也林甫既以此誤其君又以此誤其同列盧絢之賓詹巖挺之之養疾皆以甘言誤之而實加擯廢焉亦猶以甘言誤明皇陷之於播遷之辱也吁可畏哉

林甫居相位固寵市權蔽欺天子耳目諫官皆持祿養資無敢正言者補闕杜璡再上書言政事斥為下邳令因以語動其餘曰明主在上羣臣將順不暇亦何所論君等不見立仗馬乎終日無聲而飲三品芻豆一鳴則黜之矣後雖欲不鳴得乎由是諫爭路絕

臣按姦臣顯國必先壅塞言路使人主惴然孤

諸蕃將
摠於大正

林甫疾而五
用蕃將

立於上而管然無觀於外然後得以恣其所欲
為大而篡國小而顯政無不可者故正先死而
趙高肆王章僂而王鳳熾杜璡斥而林甫橫為
人主者可不監哉

貞觀以來任蕃將者如阿史那杜介契苾何力皆
以忠力奮然猶不為上將皆大臣摠制之故上有

餘權以制於下先天開元中

皆明皇
年號

若薛訥郭元

振張說等自節度使入相天子林甫疾儒臣以方

略積邊勞且大任欲杜其本以久其權即說帝曰

以陛下雄材國家富彊而夷狄未滅者由文吏為

將憚矢石不身先不如用蕃將彼生而雄養馬上

長行陳天然性也若陛下感而用之使必死夷狄

祿山得專三道兵

林甫以蕃將代而將之言秋遺終唐

奸臣同上

不足圖也帝然之因以安思順代林甫領節度而擢安祿山高仙芝哥舒翰等專為大將林甫利其虜也無入相之資故祿山得專三道勁兵處十四年不徙天子安林甫策不疑也卒稱兵蕩覆天下王室遂微

臣按一言喪邦者昔聞之矣一言而遺禍數百載者有之乎曰有之如林甫之請任蕃將是也蓋自祿山反唐幾亡肅宗雖崎嶇中興而兩河之地半為降虜所有更相傳襲終唐之世不能取藩鎮跋扈動輒舉兵內嚮唐卒以是失天下五代之亂生人肝腦盡矣至于本朝然後收方鎮之權天下合于一自天寶末迄建隆初凡二

奸臣 同上

林甫相位十
九年養成
國秋

百有七年推原禍本由林甫以蕃將代儒將故
也彼其用心不過欲杜節度使入相之階以久
已權而中國板蕩生民塗炭遂自茲始自昔姦
臣之禍天下未有若是其酷者也

上晚年自恃承平以為天下無復可憂遂深居禁
中專以聲色自娛悉委政事於林甫林甫媚事左
右迎合上意以固其寵杜塞言路掩蔽聰明以成
其姦妬賢嫉能排抑勝己以保其位屢起大獄誅
逐貴臣以張其勢自皇太子以下畏之側足凡在
相位十九年養成天下之亂而上不之悟也

臣按此唐舊史論林甫之語也林甫心迹盡於
此矣

楊國忠者太真妃之從祖兄也其妹號國夫人居中用事帝所好惡國忠必探知其微帝以為能

臣按女子小人表裏交煽者危國亡家之本前蓋屢言之矣若國忠者身既用事於外其妹又用事于中宜其能深探動息阿意迎合而帝以為能也

國忠為宰相便佞專徇帝嗜欲不顧天下成敗知帝雅意事邊故身調兵食取習文簿惡吏任之軍凡湏索快成其手

臣按明皇前任林甫後任國忠二人操術略同大抵徇帝之欲而已知帝有意於邊事也則身調兵食任惡吏以掌文簿苟取集事它不遑卹

也雖然使明皇無縱欲之念雖姦臣其能窺所欲而徇之乎故曰人君之心正則朝廷百官無敢不正者

南詔質子閣羅鳳亡去帝欲討之國忠薦鮮于仲通為蜀郡長史率兵六萬討之戰瀘川舉軍沒獨仲通挺身免國忠匿其敗更叙戰功使白衣領職劔南節度李宓將兵七萬擊南詔閣羅鳳誘之深入宓被擒全軍皆沒國忠隱其敗更以捷聞益發中國兵討之前後死者幾二十萬人無敢言

臣按記曰四方有敗必先知之此之謂民之父毋明皇末年委政國忠雲南喪師至二十萬而國忠反以捷聞明皇至是塊然尸位猶土木偶

上憂水災
國忠告以無傷

奸臣 同上

人矣。姦臣敢於蒙蔽如此，為人主者其可不以天下為視聽哉？

上憂雨傷禾，國忠取禾之善者獻之，曰：「雨雖多，不傷稼也。」上以為然。扶風太守房琯言：「所部水災，國忠使御史推之，是歲天下無敢言災者。」

臣按：忠臣之心，惟恐人君不畏災異。魏相之以逆賊風雨告宣帝，是也。姦臣之心，惟恐人主知畏災異。國忠謂霖雨不害稼，以欺明皇，是也。蓋人主畏天災，必求己過，必更弊政，必去小人。此忠臣之所樂，而姦臣之所不便也。故其操術不同。如此近世王安石，遂有天災不足畏之語。吁！莫大於天，莫神於天，而猶不足畏，則尊居人上。

祿山之反
國忠進諡
取悅

復何所憚邪。嫚天欺君，其罪不在國忠，下可勝誅哉。

安祿山專制三道，陰蓄異志，殆將十年以上，待之厚，欲待上晏駕，然後作亂。會楊國忠與祿山不相悅，屢言祿山且反，上不聽。國忠數以事激之，欲其速反，以取信於上。祿山由是決意，遂反。發所部兵十五萬衆，以討國忠。為名上召宰相謀之。國忠揚揚有德色，曰：「今反者獨祿山耳，將士皆不欲也。不過旬日，必傳首詣行在上，以為然。」大臣相顧失色。
臣按祿山之所以反者，由林甫養成之，而國忠激發之也。國忠身為大臣，而激賊使反者，果何為哉？欲人主信其言之驗，而自保寵祿故也。蓋

國忠就殺

奸臣
同上

姦臣之心苟可以為己之利者雖危國家覆宗
社而不顧吁可畏哉方是時祿山長驅向關聲
震河洛而國忠猶進諂言以惑上聽其志亦以
取悅爾而馬嵬之變身首殊分家族殄滅寵祿
果可保邪祗足為姦臣之戒而已

以上論儉邪罔上之情

真西山讀書記乙集上大學衍義卷第十九

中溪家藏

